

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036

B.2025

Nd.8

Ng.6

Liggaeuq ietceih nienz nvinh ndwenloeg cibsam

Geizsoq: Gungh daih 3680 geiz

Cinz Gangh Youq Gveigangj Diuyenz, Daegbied Gangj Daengz Aeu Hwngfat Guhhung Canjnieb Daihneix Doinyoengx Guhhoengh Lajmbanj Liuxliux

8 nyied 1 hauh, Swcigih Dangiveij suhgi, Swcigih Yinzda Cangzveijvei cujyin Cinz Gangh bae Gveigangj Si Gangjanz Gih, Gangjbwz Gih, Cinzdangz Gih, diuyenz canjnieb hwngfat, swnghdai vanzbauj, guhhoengh lajmbanj.

Cinz Gangh daeuj daengz Gvangjsih Bozyidwz Cinwngz Gyahgih Canjyeyenz hanghmoeg, Aimaj Civei Cuzhingz Canjyeyenz hanghmoeg, Gvangjsih Yinhnozswng Yauyez Youjhan Gunghsw, Gveigangj Lungzbai Sizyez Cizdonz Youjhan Gunghsw, dingq Dieg Haifat Ginghci Gveigangj Rangh Ginghci Dahyinh Bingzluz caeuq muzyez, canjnieb dienhdoenghci nwnzyenz moq, yihyo, ceijnieb daihneix bauqlwnh hwngfat cingzgvang, byaij haeuj aending langhbaij giyez caeuq swnghcanj cehgen, caeuq bouxfucwz giyez gangjgoj, ciengzaeq roxyiuj giyez swnghcanj guenjguh, yenzgiu haifat canjbini, hwnqguh binjbaiz doengh gij cingzgvang neix. Cinz Gangh naeuz, giyez aeu gyalai rengz gunggvn gohyoz yenzgiu, lai yungh yinzgungh cinwngz hawjrengz, gemjgoek, demndaej, laebdaeb hawj huq lai dij cienz caeuq giyez lai ak lai ndei, youq mwh bangrengz deihfueng hwngfat ndei saed guhbaenz

ndanggaeuq hwngfat engq ndei.

Gvangjsih Yangzsiengz Cizdonz Gujfw Youjhan Gunghsw dwg aen giyez lingxdaeuz youqgaenj guekgia canjyevza nungzyez, giyez guhhoengh cungjyez guekgia. Cinz Gangh daeuj daengz aen gunghsw neix ciengzaeq roxyiuj cinwngzva ciengx mou daengx diuzlien canjnieb hwngfat, fuengzceih dajciengx uqlah daengj cingzgvang, gig haengjdingh giyez yawjnaek gohgi hawjrengz, lien nungz daiq nungz coi nungz caeuq soudauq yungh gaiq huqfei dajciengx, maqmuengh Yangzsiengz Cizdonz laebdaeb guh ndei giyez lingxdaeuz, yiemzgek doekguh gij iugouz fuengzceih ciengx mou uqlah, lai damqra dajcauh AI + nungzcangz daengz gwnz congz daengx diuzlien canjnieb, daiqdoengh engqlai boux-guhnaz lai miz ngaenz roengz daeh.

Gangjanz Gih Sinh dangz Cin Sanhbenh Cunh gyaak dangjgen dazyinx, cauhoq aen vunq ceihleix lajmbanj, gonqlaeng ndaej “aen dangjucjiz gihcwngz senhcin daengx guek” “aen mbanj youqndwi gyaundeidei Cungguek” daengj mingzdaeuz. Cinz Gangh daeuj daengz Sanhbenh Cunh Mbanjcaubingz, byaij haeuj aending vunzlai yaengsaeh, aenguenj langhbaij minzcuz doxgiat, dieggiek cigboq

densangh “sam nungz” daengj, nyinhcaen dingq lwnh cingzgvang, ciengzaeq roxyiuj ceihleix lajmbanj, minzcuz doxgiat caeuq nungzvnzlij yungzhab hwngfat cingzgvang, haengjdingh gij cingzciat dangdieg yungh ndei bouxak baenzmiz, doihaeuj guhhoengh lajmbanj liuxliux. Cinz Gangh daegbied gangj daengz, aenmbanj aeu baenaj, daih’it aeu miz bouxdaiqdaeuz ndei, aen banhsuj ndei, aen lohnaemj hwngfat ndei, giekdaej vunzlai ndei, gij heiqfaenh guhsaeh cauhoq ndei ndeu. Maqmuengh Sanhbenh Cunh yungh ndei gij conzdungj ndei, hwnq aenmbanj engq ndei bae, hawj gyoengq beixnuengx gvaq ngoenz lai vuenyungz. Guhhoengh lajmbanj aeu dingjmaenh dangjgen dazyinx, giethab couqmaenh gij eiqsik Cunghvaz Minzcuz ranz vunz ndeu, ciuq saed dingh geiq guh canjnieb miz daegsaek hawj bouxminz baenzmiz, doinyoengx nungzvnzlij yungzhab hwngfat, haenqrengz guh baeyouz lajmbanj, gyavaiq hwnqguh aenmbanj ndeiyouq habhong doxngamj.

Cinz Gangh daegbied gangj daengz, Gveigangj Si bineix byonghbigonq ginghci hwngfat guhbaenz “sueng gvaq buenq”, baujmaenh laebdaeb yiengh dauq

hwnj coh ndei, baenz haenh. Aeu lai doekguh gij iugouz youqgaenj Siz Ginbingz cungjsuhgi lwnhgangj hong Gvangjsih, ciuq Aen Hoih Baez Ngeihcib Gaiq Cibngeih Swcigih Dangiveij caeuq Aen Hoih Hong Gyangbi Daengx Gih Nem Aen Hoih Dihdoh Hwngfat Ginghci Geiqdoh Sam baijbouh anbaiz, hopheux dungjcouz guh ndei cwngci swnghdai, swhyenz swnghdai “song aen swnghdai”, dingjmaenh guhcaen guh daeuz, cauhoq guh hoen, aeu cingzciat daeuj gangj, hawj bouxminz bingz, lai doengh hwnjdaeuj, gyonj hwnjdaeuj, yiemz hwnjdaeuj, beij hwnjdaeuj, lai yungh ndei dieg youqgaenj diuzsienq Yez Gangj Au Davanhgih—Dunghmungz sangh—mou vuzliuz, gijndeidei dieg youqgaenj ranghdieg ginghci Dahyinh Bingzluz cieq Cuhgyangh—ranghdieg ginghci Sihgyangh, dungjcouz doinyoengx hawsingz hwngfat caeuq guhhoengh lajmbanj liuxliux, lai gungganq dieg demmaj moq ginghci caeuq doenghnaengz moq hwngfat, aeu yiengh cieq ak bae guh ndei hong ginghci geiqdoh sam, haenqrengz guh baenz gak gaiq hongsaeh daengx bi ginghci sevei hwngfat aeu guh.

(daj 《Gvangjsih Yizbau》 aeu daeuj genj hoiz Loz Canghlieng)

Canghfanhoiz Doxcomz Nanzningz Saemjdingh Swz Moq Sawcuengh Bi 2025

8 nyied 1 hauh, Cunghgoz Minzcuz Yijvwnz Fanhyiz Cunghsinh(Giz) youq Nanzningz guh Aen Hoih Canghfanhoiz Saemjdingh Swz Moq Sawcuengh Bi 2025. Hainduj haihoih, Cunghgoz Minzcuz Yijvwnz Fanhyiz Cunghsinh(Giz) cungj-gvaigiswh Yinz Dauh gangjavah, 30 lai boux canghfanhoiz Sawcuengh daj Baekging, Gvangjsih doengh gij dieg neix daeuj haenx camgya haihoih. Baez hoih neix comz saemjdingh gij swz moq neix, dwg ndaw hong fanhoiz vwnzgen daengx guek songhoih, Aen Hoih Hong Ginghci Cunghyangh, dangjcwng vwnzyen, fapldw fapgi youqgaenj bungz gvaq de, cujyau saemjdingh gyoengqde baenzlawz hoiz baenz Sawcuengh,

gungh 182 diuz.

Aen hoih daegbied gangj daengz, guh gveihfan swz moq dwg aen hong giekdaej ndaw hong sawvah minzcuz ndeu, gvendaengz hag yungh deng saw vah minzcuz, gvendaengz vunzlai minzcuz vunznoix roxyiuj caeuq gaemdawz loh sienq fuengcim cwngcwz dangj, fapldw fapgi guekgia, dwg gizdieg minzcuz cwngci, ginghci, ndawbiengz, vwnzva, gyauyuz hwngfat aeuyungh. Guh ndei aen hong neix youqgaenj raixcaix, mbaqrap naekcaem, dangrap miznaj.

Aen hoih iugouz, aeu lai hag rox gij swhsiengj youqgaenj gyaak caeuq gaijndeidei hong minzcuz Siz Ginbingz cungjsuhgi, gagrox couqmaenh gij eiqsik Cunghvaz Minzcuz ranz vunz



▲ 8 nyied 1 hauh, Aen Hoih Canghfanhoiz Saemjdingh Swz Moq Sawcuengh Bi 2025 Cunghgoz Minzcuz Yijvwnz Fanhyiz Cunghsinh(Giz) youq Nanzningz hai. Cau Dwzfeih ingj

ndeu, lai yungh ndei fanhoiz diuz sai neix, haenqrengz bae fugsah ndei hong minzcuz dangj caeuq guekgia, roengzrengz bae guh cingsaenz canghlig, guh baenz hong saemjdingh

swz ndei saed bae.

(daj Cunghgoz Minzcuz Yijvwnz Fanhyiz Cunghsinh(Giz) Veizsin Gungcungqhauh aeu daeuj genj hoiz)